

Inatsisartunut immikkut ittumik qinersineq pillugu Inatsisartut inatsisaat

§ 1. Ulloq 6. april 2021 Inatsisartunut qinersisoqassaaq.

§ 2. § 1-mi allannguutaasoq eqqaassanngikkaanni Kalaalit Nunaanni qinersisarneq pillugu Inatsisartut inatsisaanni nr. 14. 24. november 2020-meersumi malittarisassat allatigut malinneqarput.

§ 3. 2021-mut aningasaanut inatsimmi konto pingarnermi 10.03.03 Partiit qineequsaarnissaanut tapiissutit (tapiissutinik aningaasaliissutit) aningaasaliissutit immikkoortinnejartut kr. 3.754.000 qaffanneqarput.

Imm. 2. 2021-mut aningasaanut inatsimmi konto pingarnermi 10.03.05 Qinersinermut aningaasartuutit (Tapiissutit aningaasaliissutit) aningaasaliissutit immikkoortinnejartut kr. 1.000.000 qaffanneqarput.

Coronap atuunnera pillugu suliniutissat

§ 4. Inatsisartut aamma Naalakkersuisut pillugit Inatsisartut inatsisaanni § 29-imikillissaliussat iluanni, partiini siulittaasut, Inatsisartuni ilaasortaatitat minnerpaamik 2/3-iinik tunuliaqtaqartut akuersinerisigut Naalakkersuisut piginnaatinnejarput:

- 1) Nappaatit tunillaassortut akiorniarlugit iliuutsit pillugit Inatsisartut peqqussutaat malillugu nalunaarutinik aalajangersaanissamut.
- 2) Aningaasaqarnermut Akileraartarnermullu Ataatsimiititaliap akuersissuteqarneratigut 2021-mut aningasaanut inatsimmi kontumi pingarnermi 20.10.34-imikillissaliussutit immikkoortinnejartut aammalu aningaasaliissutinut atasut piginnaatitsissutit iluanni inuussutissarsiortunut namminersortunut sammitinnejartunik ikorsiissutissanik aallartitsinissamut imaluunniit sivitsuinissamut. Ikorsiissutissanik qinersereernerup kingorna Naalakkersuisut nutaat toqqarneqareernerisa kingorna kingusinnerpaamik qaammatip ataatsip qaangiunnerani atorunnaassapput.

Suliniutissat sanaartugassat pillugit neqeroortitsinermut isumaqatigiissutillu isumaqatigiissutigineqarnissaannut tunngasut

§ 5. Sanaartugassat sanaartornissamut pilersaarusrionerat naamassereersut aammalu 2021-mut aningasaanut inatsimmi aningaasaliissutit pisariaqartut immikkoortitsivigineqareersimasut pillugit neqeroortitsinerup ingerlannissaanut isumaqatigiissuteqarfiginissaanullu, taamaaliunnginneq inuiqaqtigiiinnut ajoqussiisumik sunniuteqartussaappat, ilanngullugu nunap karsianut imaluunniit

suleqatigisanut namminersortunut aningaasaqarnikkut annaasaqarnermik malitseqassappat, suliffissaaleqisunik amerlisitseqataassappat imaluunniit sanaartugassanik kinguaattoortitsissappat, Inatsisartut aamma Naalakkersuisut pillugit Inatsisartut inatsisaanni § 29-imut killissaliussat iluanni partiini gruppini siulittaasut, Inatsisartuni ilaasortaatitat minnerpaamik 2/3-iinik tunuliaqtaqartut akuersinerisigut Naalakkersuisut piginnaatinneqarput.

§ 6. Inatsisartut Naalakkersuisullu pillugit Inatsisartut inatsisaanni § 29-mi killiliussat iluanni Naalakkersuisut piginnaatinneqarput, pisariaqartumik aningaasaliissuteqartoqarsimatillugu partigruppini siulittaasut, Inatsisartunut ilaasortaatitat minnerpaamik 2/3-iinik tunuliaqteqartut akuersinerisigut, inuaqatigiinnut pingaaruteqartunik aammalu kinguartinneqassappata inuaqatigiinnut ajoqtaasinnaasunik allanik aalajangiinissamut.

§ 7. Inatsisartut inatsisaat una tamanut saqqummiunneqarnerata aqaguani atuutilissaaq.

Namminersorlutik oqartussat ulloq 18. februar 2021

Kim Kielsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaquatasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut